



## 1989

16. Al Lustrissim Professôr **Sergio Tavano**,  
Premi «San Roc» pal 1989

Chistis riis spissuladis dal me cûr

La natura un pôc in di  
si discrota di colôrs,  
qualchi sgrisul su li' monz,  
un nûl grîs lavia pal plan.  
Un vèl blanc dut ricamât  
sora i prâz indurmidîs  
nus tontòna di e gnot:  
'L è novembar e a San Roc,  
fiesta granda cui ufiei.  
Propi vuê davant l'altâr  
si dîs grazie al professôr.  
Lui ten alt cun grant impegn  
il bon non da nestra int.  
Lui al cjanta di Guriza  
la sô storia, la cultura,  
i valôrs e la memoria.  
Cognossût e preseât,  
fâs cognossi tôr pal mont  
li' bielezzis, la sô art  
e i palaz fodrâz di storia.  
Nô j disìn 'navora grazie  
a chist om cussì impegnât.  
Jo, ài mutîf di ringraziâlu

e mi unîs al mâr di vôs.  
Cjalàit difûr se bieî colôrs!  
Jù dai arbui ungrum di fueis  
ch'a somein tantis paveis  
e, cun lôr, a miârs samenzis  
ch'a daràn i butui gnôfs.  
La sô vôs, o professôr,  
je par nô una samenza  
che, a so timp, darà tanc' flôrs.  
Alzin duncja, in alt li' tazzis  
e bevin a la salût  
dal lustrissim professôr.  
A lui il viva, a lui l'auguri  
pai sioi studis e ricercjîs  
ch'a nus dån gloria e onôr.

Gurizia, ai 19 di novembar dal 1989

Ana di Fara  
(Anna di Farra)